

Die hundes haubt habent
 Nicht anders si gehabt
 Wan mit den wilden tyer heuten
 Disen selben leuten
 Ist menschen red nicht verlan
 Man hort sy hundes stimme han
 Ein ander leut auch bei den ist
 So der weip chomen an di frist
 Daz sy gewinnen sulin ir chint
 Daz chint an der gepirt sind
 In alteleicher varb gra
 Die chint malter werdennt sa
 Swartz vnd werdennt gra
 Nach graber varb swartz genar
 Vnd werdennt noch elter vil
 Danne unser alter habe daz zu
 So sy beginnet elter sem
 So beginnenz ie swerzer sem
 Darnach ir jugend geit
 Irn alter vollkommen zeit
 Alz uns geben di graben har
 Da bei ist auch ein leut fur mar
 Daz iegleichs weip ir chint gepirt
 So sy fumf jar alt wirt
 Vnd daz chint wirt elter nicht
 Man so man ez gewachsen sieht
 Vniz zu acht iarn ez stirbet
 Vor alter vnd verderbet
 Wan ym nicht furbar ist gegebē
 Alter zeit noch lenger leben
 Wan alz ich gesprochen han
 Mit warhant an allen wan
 Sint gesetzen auch da bei
 Die wilden arisnapi
 Die am ovben die andn cyrolepes
 Vnd bei den compedes
 Daz ist em wildes leut daz hat
 Einen fuß dar auf ez gar
 Der ist so grez vnd also prait

So ez sich an seinen ruck lant
 Der man so er vngewiter sieht
 So mag ez ym geschaden nicht
 So er den fuß ob ym hat
 Der ym vil chlaine schaden lat
 Daz grozzen vngewiters fluz
 Vnd gerigens wazier gur
 Vnd der sunnen hize
 Mit also frewd' wize
 Daz volck yn selber geit
 Scherm vnd schaten zu all'zeit
 Die selben leute sint
 Snel assam der wint
 Swenne ez yn not geschicht
 Bei dem ist alz di warhant giht
 Gelegen aber em and lant
 Dida lant leut sint genant
 Dy sint ame haubt
 Vnd haubtes beraubt
 Vnd stent yn ame laugen
 In der agsel vor di augen
 Furbar vnd mithant si zwain loch
 Voran der brust dennoch
 Hant si wunderlich schem
 Alz ein tyer vnd ein svein
 Sint sy sagt dy geschrift fur war
 Poch vnd geprust vnd vil gehar
 Aphysyon fleinzer durch daz lant
 Da ist ez ganges genant
 Da bei noch ein leut wonent ist
 Daz lebt chainer genist
 Ze speise noch ze leipnar
 Sein speise vnd all sein fure gar
 An eines apfels gesmach leit
 Zu welher stund zu welher zeit
 Ez smeket dran ez ist genesen
 Vnd mir vor hynger sicher wesen
 Wan sy sich da mit bewarent
 So sy von dem lande varent
 Vnd ir muet stet yn dort hin

Den apfel